

人於死而人不知論者以爲皆原於老氏之意固其立言之不能無弊有以啟之而遂謂天下誰敢受老氏之與者哉則因其言而并疑其心亦過矣註者又欲諱護而爲遁辭蓋胥失之視不可見曰微微明者微其明也謂匿其可見者而使之不可見猶前章言襲明也人但見其張之強之興之與之而不知其欲歛之弱之廢之奪之也故曰微明○歛音翁

柔勝剛弱勝強

彼剛而我欲以剛勝之彼強而我欲以強勝之不亦難乎我以柔弱自處則剛強者不我忌也而終於能勝之何哉蓋與以相反而使之不可測知故也蘇氏曰天下之剛強方相傾軋而吾獨柔弱以待之及其夫者傷小者死而吾以不校坐待其斃此所以勝也然聖人豈有意爲此以待勝物哉知勢之自然而居其自然爾

無不可脫於淵國之利器不可以示人

無脫於淵見其易制而爲人所取國之利器以示人人見其爲利且將效之或求過之而我之利者不足以爲利矣不脫於淵不以示人則不可測知所謂微明也

右第三十一章此章主意在第二節柔勝剛弱勝強六字其第一節謂欲與人相反也第二節謂欲

使人不可測知也

道常無爲而無不爲

道藏輯要

道德真經註

聖

心集十

道之無爲久而不變非特暫焉而已故曰常無爲雖一無所爲而於所當爲之事無一不爲也若無爲而事有廢缺則亦何取其無爲也哉此之無爲蓋性焉安焉者也

侯王若能守萬物將自化

侯王若能守此無爲之道則雖無心於化物而物將自化化而欲作吾將鎮之以無名之樸無名之樸亦將不欲

欲謂有心爲之作猶起也言未能純乎無爲之道者方將待物之化而遽有心於欲其化欲之之心一起則非無爲之道矣吾欲作者之自吾也鎮謂壓定使之不起無名之樸謂此無爲之道也欲作之時必將以此無名之樸鎮壓其有心之矣此之不欲復焉執焉者也

不欲以靜天下將自正

靜者作之反其始也欲作旣以道鎮之則欲者不欲而作者靜矣故雖無心於正天下而天下將自正其與萬物將自化者亦無以異或安而行之或利而行之及其成功一也

右第三十二章

此章前一節言無爲而民自化後二節言好靜而民自正